

繼志述事者哉。譜稱太僕嘗論清儒漢宋門戶之弊。以爲永嘉經制。兼綜厥長。足以通其區畛。及徵君治官禮。欲以經術措諸時用。亦本其先人之訓也。宋世。永嘉諸賢。與新安金溪金華並峙。其後三家皆有傳人。訖元明未替。而永嘉黯然不章。近世如亭林梓亭及北方顏李諸公。廓除高論。務以修己治人爲的。蓋往往與永嘉同風。顧弗能盡見其書。太僕父子。生七百年後。獨相繼表章之。專著則有永嘉叢書之刻。佚篇則有永嘉集之纂。括囊大義。辨秩源流。則拾南雷謝山之遺。以成永嘉學案二十卷。最錄凡目。則溫州經籍志爲一郡藝文淵海。自是鄭薛陳葉與先後作者之遺緒斬而復續。嗚呼盛矣。溷者太僕歿已四十年。徵君歿亦二十餘年。世變益亟。蓋與衰宋無異。夫拯之者則誰與。然則孟晉闡明兩世之業。以待人之興起者。蓋可少乎哉。蓋可少乎哉。民國二十二年十二月章炳麟序

四明叢書序

象山 陳漢章 伯說

曩歲代桐城馬通伯先生序劉刻貴池先哲遺書。嘗據錢潛潭之文以爲蒼萃前人書併爲一部。始於宋左氏百川學海。存贖簡而發潛光。用以興起來學。其爲功甚鉅。後讀甘泉鄉人稿。亦謂叢書始宋左圭。四庫全書雖未列百川學海之目。然子部雜編類按語固詳著之。夫左禹錫自顧古鄞山人。固四明人也。(鄞縣志當補爲傳)其所刻十集中。已集庚集(鄞安晚清之高續古似孫二家書。(續古騷略子略外有詩句圖一卷鄞縣藝文志亦失之)則已以四明人刻四明遺著矣。顧自宋至今。綿歷六百有餘歲。浙江各州郡多刻其一州一郡之書。而四明蓋闕如也。以始刊叢書之地。反不如他州郡。鄉人士君子雖或有志焉而未之逮也。古鄞張君詒寬。既刊其先君肯葺先生奏議以行世。復推敬恭桑梓之誼。而慨然以爲己任。採千載之遺韻。收百世之闕文。兼於聽政布教間。爲各書作序及跋。如抱經堂與守山閣。則又他州郡叢書所未有者也。夫四明學術爲清代鉅公碩儒所稱頌。(如紀阮二文達及章實齋胡墨莊等)然亦僅知有慶曆五先生陸門四君子。暨東發深甯充宗季野謝山傲居而已。此書出。而浙東之學。彪炳於瀛寰。矜式於全國。奚翅爲四明來學有所興起哉。蓋自左氏後六

百有餘歲。而張君爲之終條理焉。今第一集二十有四種殺青竟矣。嗣是而歷至數十百集。非又張君守先待後之心與爲無終窮者耶。承命作序。并囑急就。遂馳喜贊歎而長言之。極知僭妄。亦不復辭云。同學弟象山陳漢章序。

四明叢書第一集序

鄞 張壽鏞 詠霓

四明按東漢地理志乃越之鄞縣地。有句章城及古鄞城。皆漢廢城也。唐武德初。鄞復爲州。與曠餘嚴婺並總於越。八年廢鄞爲鄞。開元二十六年析會稽之鄞置明州。取四明山爲名。(莫將逸老堂記)明士鄉也。(王應麟四明七觀)樂育名俊。思親盛美有日矣。(會稽錄朱育對)其文章之士。則御史中丞任奕。(朱育對)學所以治己。教所以治人。治己審則可以治人。治人審則可以治天下。累世一聖是繼踵。千里一賢是比肩。(任子)

虞氏九世文名。爲儒林所歎。伯施論儒學。不使一日失業。(董道廣川書跋)文章婉綺。慕侯射徐陵。陵自以爲類己。貌儒謹。外若不勝衣。而中抗烈。其五絕、一曰德行、二曰忠直、三曰博學、四曰文詞、五曰書翰。(唐書虞世南傳)

季真風流文章豈在李邕裴敦復之下。(莫將逸老堂記)潔身遠行。令人毫無形跡之可指(汪國賀季真祠堂記)歸後築室四明之鹿亭樊榭。時往來稽山。晚年李杜二公。益相推重。史家稱唐中葉將相有功帝室惟鄞侯郭汾陽。先生之識鄞侯。李翰林之識郭汾陽。此豈當時詩人所能及耶。(李鄞嗣甬上耆舊傳。)

古之遺直曰豐清敏。排姦抵奄。讜論屢屢。(七觀)人心正畏暑。水面獨搖風。此豐清敏之志也。(王應麟困學紀聞)慶曆師儒。斯文統盟。並游三先生門。(七觀按清敏師其二而友其一)

臨川一陸。自得於心。淳熙四儒。探賸性淵。(七觀)楊簡之學。非世儒所能及。施諸有政。使人百世而不能忘。(宋史楊簡傳)。疏寮航航。追配范陸。苦吟之餘。尙聞三略。(全祖望湖語)

晚宋時夢窗處靜西麓。詞家之大宗也。(袁鈞四明近體樂府)夢窗與姜夔辛棄疾倡和。(清四庫提要)筆墨之妙。如絮浮水。如荷溼露。(三台詩話)晚年困頓以死。(全祖望答萬經甯波府志雜問)

深甯居士。九歲通六經。得呂成公真文忠之傳。著書三十餘種。(鄭真四明文獻集傳)孤忠草詔。幅巾潛蹤。(湖語)黃文潔先生所傳古今紀要。自三皇迄宋。上下數千餘年。文約而義備。人間學者寶之如天球琬琰。(古今紀要逸編)左臣黃趙俞序)日鈔一編。儒苑箕弓。(湖語)

畏齋學宗朱子。務適於用。時叔詞意高迥。每有論述。虞伯生極推服之。人以比河南二程。(四明至正志)宋季詞章之士樂道之而弗已者。惟剡源戴先生爲然。(宋濂剡源文集序)時四明王應麟。天台舒岳祥。並以文學師表一代。表元皆從而受業焉。(元史傳)話有之。日月之光匪燭火。雨露之澤匪枯槁。所從來遠也。(周汝礪剡源集小引)

有明一代。前輩之風微。(湖語)家自以爲舒向。人自以爲揚馬。(七觀)王慎翁執贄劉公念臺之門。曰吾以罪失官。反以罪得學。可謂失魚而得熊掌也。少時爲余太常寅所賞。酷嗜杜詩。嘗夢見少陵與握手。及官涪州。以事至錦官城。過浣花草堂。遺像宛如夢中。遂箋其詩曰杜臆。(四明者舊集傳及續集)

覽堂少卽工詩。睥睨一世。浪遊吳楚燕趙間。所至與魁人奇士交。於浙最契查虛舟。於山右則傳青主申臯盟。於江右則王子一。於吳則紀伯紫。於閩則許有介諸公亦翕然推之。(申臯盟所作傳兼采李志)

杲堂年十二卽能詩。抱家國之痛。息機摧權。日與諸失職者遊。燕人梁以梓曰。讀杲堂海東歌。將使句餘一片地。盡化爲蒼磷碧血。使人心惻。(南雷墓志及續者舊集)

萬氏八龍。(東井文鈔)季野生有異稟。讀書五行並下。如決海隄。然守先儒之戒。以爲無益之書不必讀。無益之文不必作。李光地最慎許可。嘗曰。吾平生所見不過數子。願甯人、萬季野、闍百詩、斯真可備石渠顧問之選者也。(劉坊所作行狀全祖望墓志及曹志)

謝山八歲舉諸經。並讀通鑑通考諸書。登天一閣搜閱其秘本及諸古碑。年二十出遊武林。友諸名士。李開學穆堂見闈中所答策。曰。此深甯東發以後一人也。嘗自謂少時喜爲孤峯峭壁之人。尙大有客氣。在其作金峨山晚楊梅賦結語云。庶漸底于和平。尙予人以可受。蓋其所造深矣。(蔣學鋪鄞志稿)

甬上萬氏。史學冠天下。萬氏歿。祖望得其傳。祖望歿。學鋪得其傳。(阮元定香亭筆談)學鋪尤粹於經。其立說不徇宋亦不媚漢。(徐時棟煙嶼樓文集)

東井從學於盧鎬蔣學鋪。得全祖望之傳。慨然有經世志。乞病歸家。與同時諸老會於所居息圃。以詩文自適。(鄞縣志傳)

餘山自幼穎悟。晝夜讀爾雅。無燈。以香炷逐字默記。輒能成誦。勤於治民。所至多善政。公餘尤好讀書。經史小學皆有撰著。最長於詩。得杜少陵之正傳。(鄞縣志傳)

凡周之士亦世。吾州之俗近古。處則講貫以淑艾。仕則善政以昌言。(七觀)四明累世之文獻。願言其概。更增賢哲。光我粉榆。(湖語)廣哉觀乎。吾將有俟。(七觀)是爲序。時民國二十一年十一月後學張壽鏞

玄嬰先生六十壽序

前春 黃侃 季剛

四明文章之士。立言彙極者。自任中丞後。於宋則攻魏。元則剡源清容。全謝山所稱吾鄞文雄是也。易世而起。謝山以湛園當之。後二百餘年而至玄嬰先生。又湛園之縣人也。近代古文正宗。咸曰桐城。祖述其法者盈天下。率用揣摩音響填塞匡廓爲事。而限其封畛。極於八家與歸方。外此者。雖成名亦爲別派。陰矣。非之者未始乏人。唯先生之言。篤切最甚。斥其人爲下究。比之於子孫奴隸之行。以順爲正。嘗言文必法上。而又不嫌于創。創而適于時。法之所由成也。順不適乎時。法之所由敗也。得先生之說。不獨可以救桐城末流之失。卽近頃薄古而逞臆者。亦不至潰決衝陷而無

所止。則信乎先生爲今日談文者之司南。宜其克紹西溟而殆欲過之者也。數年前。侃始得讀先生所撰定海縣志。觀其編制條例。迥異於向來郡書地里書之爲劉子玄所云置於他方、罕聞愛異者。至先生此書而不然。蓋昔之方志。崎於考古。而此則重於合今。昔之方志。質者則類似簿書。文者又模襲史傳。此志詳臚表譜。位置有方。綜敘事實。不華不俚。昔之方志。無過傳述鄉閭之舊聞。此志則推明民生之利害。使域中千餘縣皆放此而爲之。不特一革鄉國史之體製。實即吾華國民史之長編。後之人欲知源流清濁。風澤芳臭。不於是取。將焉取之。此其踰章惲越常劉耦馬班而遵九共之遺誥。舉行人之隆典者矣。今年春、先生從弟訓慈以天嬰室叢稿示侃。復得讀文。適及與余嚴書諸篇。證之先生所爲方志。乃知先生所云法上而不嫌于創者。其力實能赴之。故自言能縮萬貢職方之微。而洗朝邑武功之陋。世皆知非夸語也。夫文史分途久矣。文士撰著一二短篇。不成條貫。統紀史家。關於體例。或辭筆蕪陋。難副記載之職。如先生之兼有其能。豈非當今所至難覩者哉。方志之書。或尊之併於史。或夷之於小說。由今觀之。儕之史者則善矣。昔者朱贛所采。決於九州。闕錮所脩。殫於四國。其時若無可因之典籍。則朱闕之美亦必不成。是知鄉史者。國史之分。而一方之史。即全國之史之基也。私慨建國以來。內憂外患。訖無甯息。故撰述之事。以擾攘而未遑。清史稿初出時。偶獲流覽。頗病其局守舊規。而不知變。於清室非信史。於新國爲謗書。誠欲考知此二百餘年之事蹟。將茫乎無所依準。國家果思垂不刊之文於後。自非徵集備三長者以從事。則必無以易前之失。如先生者。能爲鄉史示準繩。即能爲國史成型範。此則在位者所未宜忽忘者也。十二月八日爲先生六十生辰。門人鄧董第德先期告侃曰、子於玄嬰先生。悅服夙矣。曷不因此時而有言。既以貼子之所懷。亦以爲先生娛。侃不敏。常以文史誨後生。於桐城之文。有所未學。而無所非。獨時時稱說先生所謂法上而不嫌於創者。雖不能至。心嚮往之。爰從童子之言。輒爲此文以當請見之舉。若夫敘生平。妄諛作頌。則先生集中屢有厭鄙之辭。侃不敢以進也。中華民國二十年九月斬春黃侃鞠躬謹識

史讀攷異自序

瑞安 張 桐 震軒

司馬遷中記。自漢流傳到今。讀者靡不推爲良史才。文章祖。蓋翕然無異詞焉。後來考史家。自集解索隱正義三家注外。下逮宋元明清。大都參論古事。校讐板本。評班馬之短長。標行文之義法。而於史文句讀之異同。從未見全書攷之。斯亦讀史者之一根歟。予東學讀書。即喜閱史。而尤酷好太中公書。以方攻舉業。師友間罕有留意是書。而居鄉尤竅見寡聞。如宋本中記、明監本中記、均未獲目觀。所得讀者。惟清武英殿攷證本金陵局刻扎記本明陳仁錫評點本、陳臥子徐孚濟測議本、凌稚隆評林本而已。繼得吳齊賢中記論文本讀之。喜其句分節解。朗若列眉。較姚氏菁華錄儲氏史記選二書尤善。乃就孫太僕琴西先生手校本。與各評本互勘。始覺諸家讀史。句讀均有不同。頗滋疑義。於是以前紙逐錄。凡句之爲點爲讀。或連上或屬下者。詳爲羅列。間下隅見。擇善而從。至於評論攷證。與句讀無關者。澆而出之。勿滑體例。幾經寒暑。積彙成帙。竊附於武億經攷異後。名曰中讀攷異。紀實也。光緒辛卯春。予年甫三十餘。承孫太僕簡廡喬梓。延主詒善祠塾。課其文孫子姪。簡廡精經學。而太僕喜讀史記。知予有此書。亟索覽。乃姑以藁本數卷呈政。章蒙獎借。許爲製叙。顧自恨閱本無多。未敢以全書質也。而是冬嚴親見背。風木銜哀。萬念都灰。無心筆述。四句以後。居鄉辦學。時簡公方督學務。整頓全郡教育。折簡見招。聘任瑞中講席。不得已勉竭駑駘。投身學界。而此藁遂閒置篋衍。忽忽數十年矣。竊思德清曲園俞先生有言曰。治經有三要。首要正句讀。次要審字義。三要通段借。而湘鄉曾文正亦云。章句者。古人治經之盛業。今專施之時文。罔點者。明人房行之陋習。今翻施於經史。未流遷變。可勝歎哉。味茲名言。恍然於治經如此。治史亦何獨不然。乃檢出舊稿。重行理董。得卷凡若干。而太僕簡公均已久歸道山。不稱奉書以就正。吁可傷已。况年來頭童齒豁。精力日衰。滄海橫流。卮言百出。陳編故簡。棄如弁髦。雜誌報章。爭誇新史。精者如梁氏之羣究法正補編而予以一介迂儒。侈談章句。抑又惡已。然狂夫之言。聖人擇焉。駕藁之論。採風

者取焉。姑序簡端。質諸來哲。儻亦讀史者涓埃之一助乎。民國庚午十九年夏曆八月真叟張欄叙於啟隱小園之北窻時年七十有一

衢縣新志序

龍游 余紹宋 越園

民國十年。衢縣與吾龍游俱議修志。龍志由余主修。衢志則由世丈鄭渭川先生任其役。其年九月。余自舊都南歸省親。先生亦自杭州返里。因相與商榷體例。余謂兩縣舊志。體例均乖。宜事改撰。不宜僅依舊例續增。先生難之。然不以爲非也。別後。各自撰述。三年之間。簡牘往還。輒論斯事。先生時以採訪難備爲憂。余幸有祝劼庵丈康祺爲主。採訪時有所獲。故拙志先成。先生讀之。甚加贊許。且謂其書將據拙志更改體例。竊意若是。則脫稿益需時。前年秋。余復歸衢。先生已因積勞傷目。赴滬就醫。比冬而返。醫藥弗效。已失明矣。聞余歸。亟屬金曉鐘君聲遠來問訊。金君者。助先生編集志稿最力者也。告余全志已成。殊出意料。亟走謁先生。不及他事。即以稿本相屬。曰、余目已盲。修正之責。惟君任之。余安敢當也。然感其誠。遂自忘其固陋。輒就鄙見。條其應斟酌者百餘事。持與商榷。凡余所陳。多承采錄。其不能採錄者。詳言其由。曲盡事情。咸有理致。聞及故書雅記。默誦如流。嗚呼。若先生者。可謂盲於目而不盲於心者矣！夫修志之業。與作史同。其成於衆手者必不逮獨撰者爲佳。此義余於拙志後錄曾詳言之。今先生此編。亦如拙書。出自獨撰。故經營結構。別具卓裁。非舊志雜集衆手而成者所可比擬。考衢縣舊志。卽西安縣志。存於今者凡兩部。一爲康熙三十八年陳鵬年修。一爲嘉慶十五年姚寶燧修。陳志分十二門。尙有條理。惟記載簡陋。究不洽於史裁。姚志大體仿浙江通志。分四十八門。涉於繁瑣。通志體例已乖。縣志本與通志不同。尤而效之。更無是處。其中人物一。分類益瑣。竟至分割一人。列於數類。尤爲奇謬。故其書一出。物論譁然。陳填正誤之作。其表徵也。惜其指摘諸端。涉於毛舉。又多附會。未中其失。自嘉慶十五年迄今。又閱百十餘年矣。姚志既不足徵。陳志已成孤簡。其間文

獻之待徵集纂者復何限。而洵洵之勢方殷。尤虞放失。今何幸而得此編也。此編爲書凡三十卷。各爲綱目。條理秩然。就體例言。已勝舊志。其中方言及碑碣兩篇。拙志所闕。曩亦曾思纂述。卒以採訪不備。媿未能成。而先生竟以獨力成之。且精審爲全書之冠。其他諸篇。除人物志外。亦極抉擇辯證之能事。而補正兩舊志之闕失者。無慮數百條。此由先生讀書既多。長於攷證。又夙關心鄉邦文獻。時有記錄。蘊積既深。故能成茲宏製。余敢謂衢人更無能出其右者。其人物一端。雖未經改撰。而不爲無聊之分類。已大勝於姚書。蓋先生十分審慎。不欲輕議前人之非。明知舊志去取未公。然以歷年既多。無由集證。至於近代。又以憂讒畏譏之故。難盡史魚之能。其中苦辛。亦有難予局外人以共諒者。余深知之。明達者當亦能默喻之也。此編之成。後於拙志者三年。而不盡爲拙志所囿。自標新例。卓然成一家之言。然後知先生成竹在胸。嚮所云云。皆謙摛之詞。固非不能自關蹊徑也。夫衢夙爲文物之邦。代有作者。顧自輓近以來。凋落殆盡。其存者多以衰病不克負荷斯事。而新進之流。驚於遠大。亦未遑措意及此。文獻之存。不絕如縷。當先生編述時。屢遭時變。採訪稽遲。至於經用。尤感支絀。迭請官紳續籌。無或應者。危疑艱困如是。而先生持以毅力。卒底於成。則是以一身而兼一邦百十餘年文獻絕續之任。其功顧不偉哉。昔昌黎先生謂史書不可輕爲。自丘明以降。皆不免於天刑人禍。志亦史也。先生之盲。世或舉以爲徵驗。然余固曾獨撰龍志。其精密尙不若此編。而殺青以來。絕未遭拂逆之事。今且得遂初服。嘯傲湖山。書生之福。不過如此。則又奚說。故夫先生之盲也。獨力撰述有以傷之也。非作志之咎也。余之不獲咎也。非精力過於先生也。有祝劼庵文爲之主採訪。余惟事撰著。勞逸固稍殊也。今天下事之不堪寓目者多矣。盲亦何害。盲於目而不盲於心若先生者。更何害。昔左氏固曾以盲史而擅千古之譽矣。安見先生此編。於方志中不擅譽於將來耶。盲史之後。乃有盲志。而先生之名益彰。盲果何損於先生哉。今以將授梓人。屬金君馳書命余爲之序。余雖龍游人。而四世居衢。先壟在焉。猶衢人也。既前後與知其事。感先生之誠。又懼世人或以先生之盲爲口實而疑其書。爰序其繇。以告來世。十八年四月龍游余紹宋序於杭州寓居之雙桐書屋

衢縣志稿自序

衢縣 鄭永禧 渭川

衢本舊西安縣治。民國肇造。廢除府制。始以府之名名縣。而有今名也。其掌故依然。志乘失修百餘載矣。遜清一代。業此者惟陳姚兩氏。今猶得而見之。然察兩氏之旨。微有不同。陳志語多質。趨重民生疾苦。姚志語多文。但取雍容揄揚。蓋一則草創甫定。復戎馬之瀕臨。一則承平有年。正科名之鼎盛。其所值運會使然也。禱往昔讀書。遇有本鄉掌故。輒命筆錄之。由是有西安懷舊錄之作。繼有衢州鄉土卮言之作。姑蔑地理變遷考之作。又有爛柯山志之作。一隅之見。誠無當於大雅之一嘯。今忽忽二十年來。世情衰歇。萬事轉燭。以今視昔。固自不侔。聞鄉先達言前此欲行修志。屢譏輒沮。入民國後。事益紛煩。官制既更。檔案銷毀。欲訪遺老。而零落盡矣。庚申之歲。禱由鄂歸里省親。同人有提及修志者。適黃岡沈卓如道尹蒞衢任。固鄂中舊識也。首倡斯舉。命知事劉蔭榕商諸地方。同人無不樂為贊助。協款既定。而以策政屬之禱。禱頻年奔走。未獲甯居。深懼弗克負荷。莫副諸君子雅望。兢兢自矢。惟是竭思開寸見。以襄厥成。乃為條理采訪考察諸大端。稍稍就緒。禱旋就省議會聘。順赴圖書館檢緝文瀾閣遺籍。館長章君仲銘與禱至好。每有心得。時錫教言。禱因折中陳姚兩志。權衡時宜。有未盡者。並采輯公府志以益之。惜其書屢譌滋甚。不無隱憾。會余君越園纂修龍游志。葉君佐文章北京圖書館。覓得明代趙葉兩公舊府志。而請抄錄一通。余君親攜之南下。參互考證。補正良多。私懷少慰。竊取宿稿再易之。越園龍游志先成。體例精嚴。大有龍門筆意。還視已就之稿。自以為弗如。思更延名宿釐定之。又以迫於人事。絀於財力。有所不遑。爰將斯稿。質諸同人。共相討論。同人不以禱個人之淺陋。集思廣益。削繁歸簡。為志十八。詩文內外編二。略師陳例。區別部居。各系子目。並加列表。都三十卷。凡萬百餘言。較舊志約增四分之一。擬先排印如干部。以存其概。禱請仍留稿字。無刪。雖不敢仰比明史彙。亦知此非定本。俟後有繼起者踵成完帙可也。書既竟。謹附數言。並綴陳姚兩序冠於策。明區區之心。猶是短孺前賢。不欲攘美云爾。中華民國十五年秋仲上丁釋菜日縣人鄭永禧述。

馮君木墓誌銘

江西義甯 陳三立 伯嚴

馮君諱干。字君木。浙江慈谿人。曾祖諱應嘉。祖諱夢香。考諱允騏。君少孤。從母俞受詩。上姿天挺。不督而成。年十五六。已斐然有著作意。二十補諸生。旋食廩餼。光緒丁酉。以拔貢試於朝。列二等。故事當得知縣。君自言銓曹。願為儒官。受麗水縣學訓導。居一歲。調宣平縣學教諭。辭疾不起。年甫三十。歸不復出。篤意書史。廣覽博涉。摛善合英。包孕典略。故其為文華實相資。麗則以適。匣鏘毀鎔。與為優遊。詩出入杜、韓、黃、陳。醞釀萬有。鎔冶以情性。兼工倚聲。嘗與同邑陳鏡塘諸子結剡社。用道義術業相切劘。晚客上海。四方承學之士。問業者踵至。析疑答難。竭情無隱。誘掖後進。因材曲成。所造就甚衆。與人交隆久要之誼。雖居貧未嘗不急人之急也。不翁翁聲氣。而耆儒宿學。年少才俊。咸樂與遊。安吉吳昌碩、吳興朱孝臧、桂林况周頤、甯鄉程頌萬，交尤篤。不幸得疾。以辛未某月日卒。旅次。年五十有九。有回風堂文若干卷。詩若干卷。詞一卷。日記若干卷。雜著若干種。藏於家。初娶俞。再娶陳。三妻李。子貞香、真用。女貞俞、孫男女各一。方君寢疾。門弟子日夜走視不絕。有留侍達旦者。既歿，皆哭失聲。遠近會弔者數百人。其孤將以某月日葬某原。以君友人陳訓正所為述、門人童第德沙文若所為傳狀來徵銘。乃序而銘之。銘曰。窮一世而無所覯兮。惟斯文之時軌。慕前修之隆軌兮。掉六轡與驂驪。謂今之人莫子知兮。休聲溢乎江之南。名不朽其可願兮。偃大室而長酣。

慈谿馮先生述

慈谿 陳訓正 吧慎

馮先生干。字君木。原名鴻輝。字階青。慈谿人。慈谿名族。馮為舊。自有史以來。用文學顯者。代有其人。而先生之成尤多。先生為學務其大。不遺其細。博聞強識如王深寧。其文章高華峻潔。內蘊而外肆。則如汪容父。蓋並先生世一

時無有當者。詩初宗杜韓。所詣近玉溪。中年稍稍取法西江。晚更離亂。聲華益刊落。每有謠詠。必千灌百辟。融冶情性而出之。嘗曰。作詩當於無味處得味。無材處見材。顧今世嗜知之哉。生平重氣誼。尚節概。少日。嘗與同縣陳鏡堂鄭光祖馮毓華應啓燁錢保杭魏友枋胡良箴陳訓正諸人結悼社。制社約。善相勸而過相規。學問道義相勉益。羣議一人主其事。或以屬先生。先生謂鏡堂其人清亮高曠而多文。誠非吾儕幾。宜爲長。會有訐悼社好標榜。踵幾復故轍。先生於是乃請改名剡社。爲詩酒之會。曰剡者。鏡堂所居地剡山也。先生品藻羣流。少所臧可。獨於高己者服膺拳拳如此。人以是益賢之。先生既少雋早成。有聲邦邑。四方問學之士。趾錯於庭。殷勤納交。或委贄焉。先生則開陳肺腑。以待來者。心有所勿知。知之未嘗不爲言。耳有所勿聞。聞之未嘗不爲告。生性善感。畜志隸羣。人無戚疏。一與之合。終身以之。至其行事。介不絕俗。通不疑今。則又與遠妻自得者殊其量矣。內脩之美。既越羣倫。釋古之功。尤多創發。晚年講學滬上。益與先朝諸名宿老師相往還。安吉吳昌碩、臨桂况周頤、吳興朱孝臧、尤契先生。况前一年歿。有遺言。必先生銘其墓。既具草而病作。凡病三閱月而遂絕。年五十有九。嗚呼。天喪斯文。國無人矣。傷哉傷哉。先生父曰某。習儒不售。去隱於市。擅繪事書法。疏秀多致。母俞氏。邑儒某之女。知書明禮。教子有方。先生生若干年而孤。依母受詩。以長以立。以至於成。年二十一。由拔貢官麗水縣訓導。著有回風堂詩文集若干卷。詞一卷。日記若干卷。雜著若干種。取俞氏。名因。著婦學齋詞一卷。繼取陳氏李氏。子男二。貞胥俞出。貞用李出。女一。貞俞。李出。孫男一昭遂。女一昭多。貞胥子。友人同縣陳訓正述。

馮君木先生行狀

鄞縣 沙文若 孟海

先生諱干。字君木。浙江慈谿人也。吳越建國有叔和者。自婺來徙。卅有二世。以至先生。曾祖應肅。祖夢香。候選典史。兩世皆贈朝議大夫。考允驥。國學生。修職郎。累代清郁。光開邦邑。先生生有嘉表。聰遠韶純。羣經百氏。過目能識。文辭爛然。若有天授。方十五六。故已學華有奇節矣。年二十。補縣學生。旋食廩膳。光緒二十三年。選拔貢生。朝考二等。吏部詢問。願就教職。補用教諭。出爲麗水縣學訓導。興文教。修學宮。士議繫歸。留之一載。調任宣平縣學教諭。以病不赴。雅懷恬介。不樂仕進。三十而後。即棲遲邑里。結志墳典。蕭條高寄。不以時務經懷。與同縣陳鏡堂晉卿、鄭光祖念若、馮毓華汲蒙、陳訓正無邪、應啓燁叔申、錢保杭仲濟、魏枋友仲車、姚壽祁真伯諸子爲剡社。日月要晤。會文輔仁。一時翬上號多士焉。先生於學。無術不綜。廣稽約守。包括道要。不爲門戶異同之論。文章淵雅。尙規魏晉。言典致博。造次必爾。蓋自文筆別塗。不相合謀。聘辭華者日靡於繡富。矜清淨者并遺其風骨。先生假長補短。獨主體氣。剝散浮華。歸於簡明。用能巧不傷理。雋不害道。安取審固。情采俱茂。可謂修辭立誠。文質份份者也。蚤歲孤露。孝奉慈母。而體仁愛人。無間戚疏。其交友也。不以貧富易操。不以死生殊節。家故不豐。自奉甚約。至於親類急難。臺老癯病。稱力存拯。唯恐不及。少年承學。善誘善導。薄微片能。輒稱譽勿置。先博其趣。然後勉進藝業。故弟子敬愛先生。猶敬愛其父兄也。晚更離亂。旅食上海。並世名宿。多所通接。若吳興朱祖謀古微、桂林况周頤夔笙、長沙程頌萬子大、安吉吳俊卿昌碩、興化李詳審言。胥服其文。重其行。軒蓋遺往。躡若平生。况與前卒。皆有遺言。必先生銘其墓云。春秋五十有九。以中華民國二十年五月十八日告終上海寓次。自冬涉夏。寢疾數月。側曹候視。趾錯於庭。或通宵留侍。未忍遽去。比其物也。皆揮涕失聲。哀不自勝。設位會哭。動數百人。自非該行備德。內修于己。夫孰能感孚儻類若是其至者乎。遺箸有回風室文若干卷。詞一卷。札記若干卷。雜著若干種。皆未刊。元妃俞孺人因、字季則、有婦學齋詞一卷。繼妃陳孺人李孺人。子男二、貞胥貞用。女一貞俞。孫男女各一人。文若受知先生。既深且夙。甄述景行。責無旁貸。重以顧命所及。承命祇懼。薄言最叙。忘其愚弁。後之君子。以觀覽焉。門人鄞沙文若謹狀

洪先生述

一四

慈翁 陳訓正 記

洪先生允祥者。慈谿人。初名兆麟。允祥其字也。既以字行。乃取名之音近者自號曰巢林。家世業商。潛德隱約。至君父。始以醫振開鄉閭。生三子。君居長。自少受業於其舅氏鎮海鄭先生。鄭先生異君材。勸其家舍游學郡邑間。郡邑諸老師慚勿及也。屈年輩與交。於是而句文學之華。莫不知有谿上洪樵齡者。振奇士也。學既成。出應鄉舉試。願屢試不得一第。而同列佔畢下士。反駁駁取高科。致顯位。意不能平。性故豪邁。至是益狂放。使酒好罵人。嘗大言曰。彼淮南雞犬安足異。吾脚底馬蝗且青天矣。言已輒歎不止。遇佳日。賓朋燕集。君據橫坐。負大觴啜飲。眼睜睜左右屬。人知其將醉而及我也。稍稍離席避去。則又怒曰。汝豈堪當我譽耶。苟我堪者。亦可兒矣。君之謾侮人恆如此。然人終以君耿直無媿態。轉益親君。即不足於君者。心曠之則已。不敢悍然怒于色也。嘗游滬上。鄉先達蔡元培方提舉南洋公學。君以其學謁。為所識拔。別館之。號曰特科。君于同館中最契西川謝无量。以无量介得交紹興馬一浮。一浮為學精博。持身躬躬。禮無少苟。狷者徒也。君每見之。悚然退謂人曰。頃見一浮。吾心不期而有安處。一浮真神人也。既而游日本。研求哲理象數之學。三年返國。歷聘南北各大學。任史地教授。當滿清季年。湯壽潛陳訓正等創設天鐸報社於上海。延君主言論。戴傳賢陳訓恩副之。執義敢言。絕無顧慮。國中輿誦。一時易響。論者謂辛亥革命之役。天鐸大口宣舌。君與有功焉。君自東游歸。得朱舜水遺書。益務陽明之學。嗣復潛心藏典。得其精旨。君則以為此佛矢也。用以自字。既老。師事台宗僧諦閑。喜為人說法。然其飲酒善罵如故也。所居室曰悲華。嘗集古語題齋曰。壯不如人。老可知矣。動而得謗。名亦隨之。自謂盡己之生平。年六十。以病酒卒。時民國二十二年四月十八日也。君一生力學。能盡耳目之責。於史事尤賅貫。常籍歷代治亂興衰之故。舉以為教。得其學者。多所成就。為文章。不喜縛束義法。嘗桐城末學為優孟弟子。雖具衣冠。非人倫所貴。詩宗晚唐。日吟哦甚苦。不自惜。得輒棄之。其仲子祖慶。嘗搜錄得數

百首。為悲華精舍詩稿。君見之。怒曰。孺子誤我。其狷狹又如此。嗚呼。孰謂君狂者。觀其不亟亟於外紛。吾有以信其內美矣。為著生平。以赴當世。

洪樵齡先生傳

鄞縣 童第德 謹

先生諱允祥。字樵齡。自號曰佛矢。慈谿洪氏。少受業於舅氏鄭君。通漢書文選通鑑諸書。既成諸生。食饌。聲稱籍甚。頃之。東渡日本。學彼邦所謂師範科者。歸來教授自給。嘗一主上海天鐸報。未幾。辭去。居甬上最久。所成就生徒無慮數十百人。其論史。以為周公制禮作樂。至末流。秦始皇遂焚書坑儒。周家封建親戚。屏藩王室。始皇烹滅諸侯。夷以為郡縣。其本意皆為子孫帝王萬世之業也。王莽取天下於孤兒寡婦之手。魏武削平羣雄。中原統一。猶不敢傾覆漢之社稷。世稱操莽。擬人不倫。諸葛公之功。不在北伐曹魏。在乎柔服孟獲。開通夷蠻。孫氏保有江東。東南文物。賴以不墜。其功亦不可沒。何王清談。不廢讀書。梁武非以信佛致亡。咎在納用侯景。宋徽祖鑒於藩鎮之弊。抑制武臣太甚。如狄武襄之賢。歐公為文彌之。高宗偏安。秦檜囚之以殺武穆。一秉其祖宗遺訓行事。不足異也。介甫行新法。諸賢共嫉之。於是而蔡京章惇之徒進。國事日非。實諸賢之所激成。新法推行十七年。豈盡不可用。免役之法。後世莫能廢。朱子社倉法蓋師荆公遺意。南宋理學最盛。聖賢盈廷。無救於宗社之亡。諸公大都皆明哲保身。一被口語。則上章乞休。非自任以天下之重者。靖難之師。此自朱氏家事。正學可以無死。大禮議與有宋漢皇之議同。可置不論。明季寇難日亟。廷臣斤斤於挺擊紅丸移宮三案。所謂舍其本而逐其末。其持論大都類此。或曰。先生有為言之也。好酒。醉則罵其座人。好為詩。晉宋間獨愛陶靖節。於唐愛李太白杜少陵。不喜少陵夔州以後詩。宋之蘇黃。則多貶詞。事佛甚謹。晚從諦閑上人遊。並世學佛者獨推海鹽徐文蔚蔚如。嘗從容語余陶靖節蓋深於禪者。問之。則曰採菊東籬下。悠然見南山。此中有真意。欲辨已忘言。非禪而何。又曰。靖節與遠公相好。然遠公招入蓮社。攢眉不語。靖節不能一日廢酒

不飲。故終不欲往。余笑曰、先生豈以靖節自比乎。先生爲莞爾不置。余嘗學於先生。既而同教授郡中。見余治說文。曰、此通經之本。吾宿昔未及究。今老矣。猶思窮日夜之力爲之。亟遣仲子祖慶從余受說文部首及反切之學。未數月。能通其意。則大喜。先生與余同居凡三年。及將別。黯然曰、漢有儒生性耿介。其弟子某與之處。能左右之無違。吾好譙呵人。獨於子無閒言。子事我猶之某也。其後相見。未嘗不及此。今先生已歿。追惟昔言。爲之慨然。先生以民國二十二年四月十八日卒。年六十。祖慶書來囑爲傳。輒著向日聞見者遺之。其他行誼。非關先生學問。不復及。遺著有悲華經舍詩存若干卷。文若干卷。雜著若干卷。

故直隸高等審判廳庭長陳君墓志銘

龍游 余紹宋 越園

君名之偉。字孝侯。姓陳氏。其先居安徽之績溪。大父品金。始以懋遷來開化。遂占籍焉。父燮梅。世其業而不豐。故君稍長。亦令習賈於江西河口鎮。非所樂也。事閒。竊書讀之。覺有深味。歸請於父。就學杭州。由宗文學校轉入公立法政專科。費不給。則傭書濟之。民國三年卒業。以甄拔分發福州。貧不能往。乃爲承審員於瑞安。五年、始補江寧地方審判廳推事。九年、遷直隸高等審判廳推事。十六年、薦升庭長。其年十月三日卒於官。年三十有八。無子。遺一女。名榮津。傷哉。君秉性仁慈。治事精敏。在官勤於其職。平亭訟獄。咸得其情。廉介自持。不求聞達。其初任庭長也。積牘至多。君以五月之勞。悉爲清理。一時同曹。咸相驚歎。計君自江寧任事以來。十餘年間。未嘗一日乞假也。公餘不爲無聊之遣。閉戶治佛學。初讀中峯廣錄。有契。因以參禪勿起第二念之法。融會淨土法門。後乃參研法相華嚴二宗。海內善知識如林宰平梅擲雲徐蔚如蔣竹莊諸君。咸樂與交。析疑辨難無虛日。宰平嘗以十五年冬君與論學書見示。自述平昔日課。晨六時起靜坐。至九時誦金剛經念佛。十時入署。下午五時散歸。誦阿彌陀經。又念佛。七時靜坐。至十時休息。日則兼閱纂集信。又言預定明年專閱華嚴疏鈔。期以八閱月畢業。自惟世變如斯。家復苦貧。必待資糧具足。方行學佛。恐畢生無學佛之一日。故恆於百忙中研習。一編在手。每覺興趣盎然。烏乎。豈知君之棄此娑婆世界而去。卽在此預定專究華嚴之一年耶。君體質素弱。勞瘁勤劬若是。已不能支。又持戒過嚴。益造攝生之道。宜其難久矣。其卒也。自僚友以至戚。靡不哀之。余時適在天津。一臨其喪。亦爲買涕。其妻撫尸一慟幾絕。弱女數齡。孑然在抱。猶有大母及母。零丁孤苦。頓失所依。旁無親支。不能立嗣。斯人生之至慘極酷者矣。烏乎。以君之勵行篤學。宜可以永命而有成。而竟止於斯也。天道其可信耶。其終不可信耶。然世衰道微。極於今日。小人不死。且益蕃其類。以流毒海內。彼倉亦若故厄。實人以成其連貫。斯則較可信者。而又奚慰也。君歿之五年。其妻張渚蓮。將於某月某日葬君於開化城南永吉莊之馬岡。涕泣請銘於余。余維從遊數千人。德行學業鮮與君侔者。亦樂爲之銘。銘曰、

烏乎孝侯。此焉其墓。回也早夭。千秋永慕。聞道而死。香花笑拈。闕此幽宮。自證華嚴。

靈峯夏先生墓表

雲南 周鍾嶽

昔者微言既沒。百家蠱起。道術幾爲天下裂。自子與氏後。有能窺道之藩籬者。漢董氏唐韓氏而已。宋諸儒出。大道復明。而源遠末分。僞儒間作。亦時有佛老之雜。門戶之爭。然聖道炳若日星。則異端不得肆其辭。天下亦不至遽罹其禍。晚清之季。西學勃興。陋儒炫其富強之術。欲舉吾中國衣冠禮教而從之。棄綱常倫理如敝屣。視詩書禮樂爲土直。生民之患。至斯而極。於時有昌明正學。毅然以斯道爲己任。思撥亂世反之正者。獨靈峯先生一人而已。先生諱震武。字伯定。號滌庵。浙江富陽人。世居邑之靈峯山下。學者稱爲靈峯先生。其先本姒姓。周時受封於杞。杞亡。改姓夏。後回會稽。又析居永興。元時乃徙今里。曾祖諱宏業。祖諱文昭。皆未仕。祖早世。以兄諱文華子爲後。卽先生父。諱範金。貢生也。先生爲長子。父師法宋儒。踐履篤實。母爲同邑汪諱廷斌之女。習禮明書。謹嚴有法度。先生幼承庭訓。勤止凝重如成人。五歲受讀於母。舉毛詩大學中庸皆成誦。稍長。徧通諸經。遭亂未嘗輟讀。喜縱覽史鑑。見前哲忠孝大

節。往往歎歎愛慕。欲傲其所爲。同治十二年舉於鄉。明年成進士。會試總裁萬公青藜見之。嘆爲不可一世之才。適先生以疾未覆試歸。侍郎宗室寶公廷。故爲鄉試舉主。亟稱先生資性近道。當研窮理學。爲第一等人。先生少負經世之志。慷慨以諸葛武侯李忠自期。聞公言。乃日孳孳於程朱之學。願陸王猶兼取之。後四年入京。先生名已起。朝貴人爭欲致門下。不可。益兢兢持名節。適朝考又以疾未赴。越三年。考授主事。選職工部營繕司。先生入則正色危坐。凜然不可以非義干。出則讀書私舍。未嘗通名姓於勢要之門。同列已嚴懼之。既而乞養改教職。先生父誠以仕當聽上所授。毋自擇。又部曹俸薄。鄉皆仰給於印結錢。先生父誠勿取。曰吾能斥產資汝。於是先生安於職。而慨然有致君之思矣。光緒六年八月上疏。請修明祖制以扶國本。不報。時收復新疆。與俄畫界。遣使訂約多違失。先生憤甚。以九月疏劾柄臣沈桂芬王文韶。乞賜罷責。又劾恭親王寶鋆景廉。下部嚴議。復具疏言俄事有五誤。十可戰。一不可戰。陳戰守十六策。皆人所不能言者。故事。司員上封事。必請於尚書。乃得代奏。尚書翁公同蘇。以先生辭多激切。尼之。先生曰。疏既具。志早決矣。尚書不代奏。司員願不可至都察院劾尚書乎。翁公謂戰守十六策甚當。獨司員參大臣。本朝無此例。先生曰。有欽定臺規在。司員何不可參大臣。本朝二百餘年無參大臣之司員者。非例不可。人不爲也。明楊椒山參嚴嵩。劉念臺參魏忠賢。彼皆司員也。尚書受國厚恩。視樞臣主議誤國不力爭。反沮遏言路。何面目見天下士大夫。翁公聞言。乃代奏。旨下留中。先生以言不用。遂乞歸。先是南皮張公之洞。與先生論學不合。及張公巡撫山西。疏薦先生曰。夏某學膽才高。潛心理學。貞固讜直。有古人之風。稍加歷練。其材器實迥凡庸。早年論事。與臣齟齬。然薦賢爲公。臣不敢是己非人。致蹈蔽賢之咎。先生以家居養親。故不出。父歿。遺命以禮治喪。既葬。猶寢苦枕塊於墓側。母歿。遺命治喪亦如之。新昌士紳固請主講鼓山書院。先生拒之曰。三年之內。誓不出墓廬一步。會甲午。我與日本戰失利。明年和議成。先生以主辱臣死之義。無分貴賤。欲効吳可讀故事。草疏千言。以死諫。咸舊交書切責。謂墓廬非死諫之地。廢員無死諫之責。先生默然。爲毀其草乃止。當是時。朝臣益泄沓無振作氣。趙公舒翹被命巡撫江蘇。貽書商先生出

挽厄運。辭之。徽寧池太廣道袁公利。請主講中江書院。亦以疾固辭。二十四年七月。朝命吏民得上書言事。先生已草疏乞改科舉新章。防流弊。康有爲梁啓超等謀變法。問兩宮。變卒作。朝旨遂寢前詔。先生疏不得上。慮宮闈有非常。書抵浙江學使徐公致祥。速入奏調和兩宮。請太后旨。廣求忠孝儒臣。置上左右。朝夕納誨。公故以鄉試舉主知先生。得書即馳奏。二十六年七月。京畿亂民。以拳教肇禍。殺外使。八國聯軍陷京師。兩宮狩陝西。浙江學使文公治。疏薦先生可大用。恐先生終不出。踵至勸先生急君父難。速行。先生痛各省疆帥擁兵不勤王。九月聞召。疾奔行在。以外兵蹂宮禁爲國大辱。奏兩宮罷和決戰。外人脅戮親貴大臣。損國體。必可從。乞急召雲南提督馮子材。付以戰守事。先後七上疏。皆軍國大計。榮祿王文韶鹿傳霖。皆袖手俟和議。惡先生言伉直。輒齟齬之。太后召諸臣。揮涕責之曰。夏震武一草莽小臣。眷眷愛國若此。爾等身爲大臣。乃竟不若彼耶。時先生直聲震海內。一時正人皆倚以爲重。交章薦先生。朝廷始有軍機處存記之命。全權大臣慶親王奕劻李鴻章。奏洋人言朝廷果有意議和。當先罷黜夏某。而先生固已乞歸矣。既歸。外人惡先生主戰。猶列禍從。脅朝廷併治。太后忿然曰。夏震武家居二十年。拳亂時。足跡未至京城。焉得誣。力持不可。踰年兩宮回鑾。甘肅提督董福祥。陰集舊部。欲留軍駕還都關中。不聽。則奉皇子監國。起先生主內政。而自率師東出復兩京。遣使以書來商。先生復書力止之。既再歸。省吏邑宰以修邑志任學校來聘。皆不就。宣統元年。浙江教育總會公推先生爲會長。既而學務公所議長陸公元鼎。巡撫增公韞。提學使李公傅元。復固請監督兩級師範。先生至教育會。則以廉恥教育宣於衆。及任師校。亦以是勵諸生。謂大亂將作。救亡之策。莫急於倡廉恥以正人心。聞者感奮。受任六月。絕干請。杜奔走。忤當事意。諸教習亦不便其所爲。私相結以訐先生。先生遂引去。時寶公早逝。兩公子以庚子殉節京師。三孫復相繼物故。先生憫之。踰年至京弔其家。搜公疏稿刻之。劉公廷琛方爲京師大學總監督。聘先生總教七科。固辭不獲。乃受任。以孟子講義大學衍義講授諸生。學風爲之一變。未幾。舉御史安公維峻自代以去。劉公復強先生出。再至則武昌兵事起。先生亦遂還居故里矣。大總統袁世凱。浙江都督朱瑞呂公望。以書幣聘先

生。悉辭不就。自是杜門不出。足跡不及城市。嘗謂元世祖起自漠北。用一許魯齋。而能存中國衣冠。清聖祖屢議復古。而辨髮胡服。終爲滿族所尼。仍其陋俗。亡我古制。當時如安溪李文貞游釣臺詩曰。辨髮乏筠節。讀之已不勝其祖國之思。當寶公未薨。先生惓惓以衣冠爲請。公曰。我若當國。必以君言上於朝。乃公以假塞終。先生亦不獲遂行其志。悲夫。先生更辛亥之役。謂今日大變。儒者當爲先聖先王之道法守節。而非拘拘於一姓之存亡。乃辨髮委貌。玄衣垂紳。昭其志節。聞望既隆。從學之士。自江浙魯豫秦晉滇粵以迄朝鮮。咸以得及門請業爲幸。先生嘗自任曰。達而在上。救天下以政。窮而在下。救天下以學。國無道。至死不變。今其時矣。其教門人曰。敬義夾持。文行並進。以勇行實踐。爲入德之門。自言少時爲學。亦喜老氏觀妙觀竅。及釋氏認取本來面目之說。鷄鳴而起。靜坐達旦。既而悟靜坐乃異端。放任自由所爲。非聖門居敬之學。以用敬不用靜。爲程朱晚年定論。又以陸王認心爲性。必至猖狂無忌。自此確守程朱。以居敬窮理力行交修爲用力之途。以窮理爲知言之本。以居敬力行爲養氣集義之功。合孟子程朱而一之。其規模氣象。得乎孟子者爲多。目視邪說橫行。全國波靡。將有蔑倫背理亡國滅種之禍。著人道大義錄。歷引經傳以明三綱五常之爲六經古義。以傳賢爲君道之極則。以一夫一婦男女內外爲人道不易之理。以父子天倫。不可變易。泛然等父母於路人爲禽獸。昌言糾正。而倫敦燦然復明。晚年屏居鄉里。而軫念斯世斯民。如疾疴痲癢之在身。未嘗一日間。每諄諄勸及門以廣聖學。正人心。謂士當以道救民。若閉戶自守。外天下家國以治心。不足以爲士。平居處已接物。動必以禮。兩居親喪。衰絰廬墓。居妻喪弟喪及女兄弟之喪。衰絰屨杖。一遵儀禮。又推朋友總之義。以及師門。爲舉主寶公制服三月。隆裕太后崩於國變後。先生曰。禮爲舊君。爲舊君母妻。皆齊衰三月。不以國之存亡改易。亦持服三月。當應召行在時。先生以外兵深入。宗社震驚。既上中興十六策。尤請兩宮援太廟毀例。素服減膳。爲十六策先。兩宮既崩之十九年。盜發高宗孝欽陵寢。先生即援太廟毀例。爲位而哭。其制服則以弟喪齊衰在身。不復變易。門人孫迺瑤卒先生家。先生哭而斂之。告其孤歸葬。每聞門人之喪。痛悼哭泣。或至廢食。累數日不已。其祀祖則守父遺法。謂舅婦不能同席。家堂

地室。四親不能異席。則合四代之考居右。妣皆居左。分爲二席。忌日則考妣合祀。求通於情。亦不肯禮。祀聖則就精舍廣其堂。楹中奉孔子神主。周四子顏曾思孟。宋五子周程張朱。皆直接道統。配饗兩序。臨祭席地陳饌。奉主就席。儀物器數。則尊周制。爲子娶婦。先行冠禮。嫁女先行笄禮。昏禮以儀禮爲本。輔以書儀家禮。先生精氣內充。神明外溢。自少至老。日必昧旦興起。讀書處事。鉅細精審。終日不見倦容。周旋賓客。揖讓雍容。對越神明。登降肅穆。殿下拜之儀。植立庭中。雖風雨不避。歿之前三日。爲母忌日。其衣冠致祀。拜跪不須扶掖。蓋先生執禮之恭類如此。先生著書已梓行者。悔言、悔言辨正、人道大義錄、衰說考誤、寤言質疑、資治通鑑後編校勘記、孟子講義、大學衍義講授、詩文集、富陽夏氏族譜若干卷。續著有論語講義。及遺稿待輯梓。先生以咸豐三年癸丑十二月十八日生。享年七十八歲。其歿也。庚午歲五月朔日。娶何氏。先先生卒。子男一。成吉。能嗣家學。女一。適四川馬邊賀昌羣。戊辰秋。鍾嶽至富陽。以肅君石齋介。執贄於先生之門。先生所以敦勗之者甚至。己巳春還滇。甫踰年。遽聞先生訃。既自痛親炙未久。學焉無成。而益念天下滔滔。欲求守先待後如先生者不可復得。則尤有學絕道喪之憂也已。同門友王君雪庵。述先生行實。郵書屬爲表墓之文。謹掇輯先生生平行誼及論學大旨著於篇。以稔同學。並以備將來編國史儒林傳者之有所參稽焉。庚午閏六月門人周鍾嶽謹撰

之江學報

第三期 目錄

加重方法對於黑絲拉力與彈力之影響

在 0.940 水汽吸收光譜之細微組織

讀莊偶記

遼文學

磁棒之有效長

各國對華外交政策之檢討

劉後村先生年譜

租船合同之簡釋

王 箴

徐仁銑

鍾鍾山

顧敦錄

吳元海

杜 久

張 荃

胡繼瑗

民國二十三年三月杭州之江文理學院出版

編後餘記

浙江圖書館自廿一年三月創為館刊，因旨在通曉，不能多容學術論著，爰于次年決定別出年報，期以研討學術，而側重于闡述浙江文獻。館刊年出六期，已迄四卷，近亦稍稍注重有關浙江之文字，而猶病不能暢行厥旨；而年刊則以館務紛繁，稽則甚久，今始得以公世，名曰文淵學報，體旨所在，具見凡例。（見總目後幅）至學報之出版延期，屢辱海內賢達垂存問，未及偏答，謹于此誌其歉忱。

本館事業側重整理編藏與流通閱覽，司編撰之責者僅一二人。學力淺薄，復以分功于典藏，不遑凝志研索，何能有所獻替。即如本期文稿，同人所撰者僅五六篇。幸賴學林先進，紛賜珠玉，差得真然成帙，不至過于詘羞。感泐之心，永矢不忘。尤願不我遺棄，續惠佳構，庶幾本刊因多士翼護，更得為學術效馳驅焉。

本期文字，大致可區為論著文苑二類，而以論著為主體，編者于所錄諸作，既快先觀，爰敢就所見及，系以說明，以殿卷末：

「散氏盤銘補釋」為鄉賢瑞安黃仲授先生（紹箕）遺著，稿存同里林同莊先生（大同）許，信筆塗乙，未曾理董，經李雁晴先生（笠）為之爬梳校治，以畀本刊。黃公紹述家學，清標介節，當時罕備。為學甚博，尤精金石，惜所述造，多歸散佚，此篇猶得公世，堪稱幸事。因念浙省人文素盛，南宋時已有「天旋地轉闔浙為天下之中」之譽，各邑鄉賢遺稿之局闕饒衍，未曾壽梓者何限。本館蓄意蒐訪鄉邦文獻，本刊尤以表闡自矢，兩浙人士，苟有珍藏或聞見所及之未刊名著，願不吝惠寄，或示以周行，雖短篇散葉，咸所拜嘉。（如必須自保原稿，亦可于錄出後壁還）如係成部鉅製，亦望時通消息，俾量力採購，或錄副保存，苟蒙

遂以贈館，固全浙學人之望也。

「甬諺名詞簡記」為慈谿陳懷先生（訓正）四年前舊著。先生夙擅詩文，又主纂定海鄞縣二志，顧世罕知其亦好究小學者。是篇以許書廣韻等，疏證甬東俗諺，篇帙甚富，茲先載前半，餘俟續刊。世第以中國語文不一為病，實則以方言互殊與時代遞嬗之故，久且數典忘祖耳，誠得各地學者，均能原本雅記，推求語祖，未有不左右逢源者，則是作又豈僅可為方言新方言之讀而已。

丹徒柳翼謀先生（詒徵）史學著宿，主首都國學圖書館有年，嘗過本館，道及杭大宗續禮記集說引姚際恆禮經通論甚多，頗宜董治以存古。學報徵稿，柳先生旋以一文見示，蓋即疏證局刻譌訛，表出杭氏所引之姚書，而揚推其體制，條解其所惑者，謂本係簡記，故題曰讀書錄。先生令嗣肥生君治象數之學，亦兼好經史，比聞本此旨以剪眾杭氏所引諸文，為循禮記目排比之，積楮盈尺；如有好事者為之印行，其功不僅在乎存佚也。

慈谿楊遜齋先生（敏會）昔年主講故都，近則息影林下精熟國史，尤默契浙東先儒之精神。偶得其舊作「黃梨洲遺書書後」一文，表章梨洲之政治思想，兼有訂誤，輒為布之，非先生之至也。先生撰讀皮氏經學通論三篇，會同今古文之學，屢年見示，為友人繆君所先得，遂為國風雜誌所預布，不復刊此。龍游余越園先生屢纂其邑志，論者翁稱，其于譜牒之學，尤有特識。余氏家譜序列承寄以後，因學報公世稽時，曾先布之館刊，茲重布之以廣傳誦。李雁晴先生（笠）覃治國故，出餘緒以研流略之學。「校勘學之旨趣」一文，特以顯出深入之筆，闡明離校之真諦，實便初學也。山陰姚海槎先生（振宗）精研簿錄，卓然名家，其所著快閣師石山房叢書，本館既為據稿本擺印過半，復為撰次

傳略，藉資表章。而姚公同里後進陶君存煦復以所撰「姚先生年譜」見授，意尤拳拳。稿成匆率，有待重治，而陶君遽以英年去世。披茲遺製，興人琴感矣。

浙館藏書，濫觴于文瀾四庫之類；湖山韻語，昌大學風之效實多。本學報既以此指標名，則文瀾史略之作，義不可省。張君慕齋（世）所撰之「文瀾閣四庫全書史稿」，原始要終，非舊刊文瀾閣志之僅集一時文移之比矣。同時承孫孟晉先生（延釗）寄「文瀾閣嘉惠堂與玉海樓」一文，闡明兩大藏書家與文瀾之關係甚悉，與史稿有相得益彰之妙，爰比肩布之，以存書林信史。

省境壤地，浙東為大。浙東自有宋永嘉金華諸子以降，夙著史學，有清稽山甬水之間，厥流尤豐。共和以還，流風未沫，故整輯黎獻之舉，若刊書，若纂志，皆時有所聞，是亦可徵兩浙人士之無負其堂構矣。顧東雲一鱗，西雲一爪，罕聞彙而紀之，以信今世而昭後起者，是可慨也。本館館長陳叔諒先生「晚近浙江文獻述概」一文之作，即本此旨，（題取簡豁，故不云文獻之整理）惟公餘抽翰，急就成章，故自謂耳目未周，以匡益期之讀者。同人尤願以此作引起省人士徵文獻之忱，益有以網羅散佚，光大舊緒。編排之間，因此文旨近通論，故取弁于首，而文瀾史稿之次列于諸先生來稿以前者，亦以關係較切之故。初非敢妄有所先後于其間也。

錢武肅王（鏐）丁五季紛擾之會，奏保境生養之功，其有造于浙，浙人類能道之；顧其在文教上之貢獻，言者實罕。夏樸山君定域「吳越錢氏之文化」一文，要言不繁，克盡表章之事。趙宋統一，吳越歸土，遯金人深入，宋祚南移，浙垣既為行在，都市日臻繁昌。孫君端履（正容）「南宋時代臨安都市生活」之作，鈞稽羣籍，類敘實況，不僅爬梳武林掌故，抑亦稽古考史之要事也。此篇後半，留待

續布。南宋士習萎靡，一時大儒亦惟以心性之學相與，置中興大業于不顧。獨永康陳龍川先生講經世之道，解時流之蔽，雖或斥性理太過，而其砥俗救時之志，殆足為今世之典範。陳君伯衡（豪楚）「陳同甫學說管窺」一文，取用本集，詮發精要，庶足以昭龍川之行誼矣。

慈谿姜西溟先生清初魁儒，文章為世所稱，其全集傳世不多，本館已為微得書版印行公世。先生嘗選古人詩，成類鈔，未嘗行世。鄞縣童藻孫先生（第德）抗心希古，雅好蒐藏，竟于坊間得姜先生選詩墨蹟，遍徵當代名宿題詠，琳瑯成帙，比承允寫副見示，輒為擇尤刊印，藉快藝林先觀。

館藏善本，舊有題識一冊，比歲復最其新獲，撰次提要，以次布之館刊，茲不復載。深知精槧名刊之罕，遠不足以矜世，而間有家珍存前賢之手蹟，或時流之題跋，輒輯錄如干則以布之，與館刊所載不同也。文苑一欄，近年期刊中所不多見，有之亦往往側重于吟詠或詞藻之間。本刊此期，所採碑傳之作獨多，以其有繁于本省文獻也。今後續刊，要當稍擴範圍，廣培文圃，以更宏觀摩之效。至如勞玉初先生小傳之作，則以重在傳信，述其言行較繁，因質奪文，有異他篇，重以成稿較遲，故難類別出云。今後如各邑宏達，賜以未曾公世之近賢傳志，或詳備之新傳年譜，概為本刊所希求者也。

餘杭章太炎先生近客蘇州，講學不輟，本刊承其題署書端，深用感幸。十餘年前，本館曾刻章先生著作為叢書行世，比雖久隔，猶承拳拳關念故鄉文教且允以近著惠錫本刊。復承陳肥懷先生錫以弁言，並此致謝。

民國二十四年一月，編者識

本館積藏中外圖書，達廿六餘萬冊。舊時分類編目，線裝書悉循四部，平裝書則用十進分類法，分類歧異，檢查不便，民國二十年春，始決定中日文圖書之分類，一以十進法為準，三年以來，粗有成就。為便利遠道讀者檢查目錄起見，

此單填就後請連同預約費由郵掛號寄杭州大學路本館收

預約 浙江省立圖書館圖書總目第一輯 定單

茲預約 貴館圖書總目第一輯 部（每部預約價大洋三元六角外埠每部加收郵寄費大洋三角）計寄上預約費及郵費共 元 角請 查收隨將預約憑單填就照下開地址掛號寄下為荷此致

浙江省立圖書館

定戶

具 年 月 日

詳細通訊地址

本館積藏中外圖書，達廿六餘萬冊。舊時分類編目，線裝書悉循四部，平裝書則用十進分類法，分類歧異，檢查不便，民國二十年春，始決定中日文圖書之分類，一以十進法為準，三年以來，粗有成就。為便利遠道讀者檢查目錄起見，爰有書本目錄之編纂，定名「**中日文圖書總目**」第一輯計二厚冊，凡五百餘頁，用十六開上等報紙精印，凡叢書子目，以及一書之附錄，其性質各自獨立，可分篇別出者，亦各按其性質而分別編入于各類中，編製之精細，為其他各種目錄所未有。至本年來新收圖書之不及入于總目者，並另編「**新書周報**」一種，每週一冊，為繼續圖書總目，露佈本館新到圖書之刊物，總目第一輯上冊已出版，現已發售預約，新書周報，亦已出版至十三期，凡本埠遞送借書及外埠通訊借書者，均宜各備一部，以便檢用借書。

浙江省立圖書館啓

閱定迎歡約預迎歡

浙江省立圖書館新編

圖書總目第一輯

全書二大冊 計五百餘頁 十六開大小 上等報紙精印
 定價每部大洋六元 預約減售大洋三元六角
 預約即日開始 本年六月底截止
 上冊定本年三月出版 下冊定本年六月出版
 外埠每部加收郵費大洋三角

繼續總目第一輯

刊布每周所收新書

新書周報

每逢星期日出版 檢查便利定價低廉
 預定全年七角五分郵費另加 零售每期銅元六枚
 本市各書店均有代售 定閱處本館總館及分館
 外埠全年郵費五角 本埠全年郵費二角五分

此單填就後請連同定報費由郵掛號匯寄杭州大學路本館收

新書周報 定單

茲定閱

貴館出版新書周報 年 份(請自第 期寄起)計寄

上報費及郵費共 元 角 分請

查收隨將定單照下開地址寄下為荷此致

浙江省立圖書館

定戶 具 年 月 日

詳細通訊地址

此單填就後請連同預約費由郵掛號匯寄杭州大學路本館收

預約 浙江省立圖書館圖書總目第一輯 定單

茲預約

貴館圖書總目第一輯 部(每部預約價大洋三元六角外埠每部加收郵寄費大洋三角)計寄上預約費及郵費共 元 角請 查收隨將預約憑單填就照下開地址掛號寄下為荷此致

浙江省立圖書館

定戶 具 年 月 日

詳細通訊地址

浙江省立圖書館附設印行所發售精印書籍

浙江省立圖書館附設印行所，係由前浙江官書局改組擴充而成，迄今已有七十年之歷史。民國十八年添設鉛印部，以官書局印書所錄木印部，而仍以前印書木印書籍為重要事業，現藏官局及續購版片達十四萬餘塊之多，所梓書籍逾二百種。官書局印書，選擇既慎，而刻削之精良，校勘之精審，尤為士林所推許；故該版本學者咸稱浙刻。民國以來復續有開雕，如孫仲容之溫州經籍志，章太炎之章氏叢書，亦以精刻見稱。近年來復承藏家惠贈書版；如金華退補齋胡氏之金華叢書續金華叢書，振綺堂汪氏之振綺堂叢書，八千卷樓丁氏所梓武林掌故遺編武林往哲遺著等大宗書版，用乃精儲益富，導揚文化之效亦益大。復以事屬公營，不與商賈競利同趨；輒竭其綿薄，取價務低，印刷務善，期無負官書局之舊規，而盡宏播文化之天職。惠購諸君，但任取一書，與坊間書鋪本作比較，即可瞭然也。印售各書，另有目錄一冊，承函索即寄。茲列要目若干種，以示一斑：

舊刻精製

鄭氏佚書(清袁鈞輯)	十册	一元九角	禮書通故(清黃以周)	三十二册	八元
尚書古文疏證(清閻若璩著)	八册	二元一角	藝文小學答問(章炳麟)	一册	四角八
舊唐書(晉劉昫著)	四十册	十一元五角	續資治通鑑長編(宋李燾)	百廿册	卅一元
兩浙名賢錄(明徐象梅)	六十二册	八元八	通志二十略(宋鄭樵)	廿二册	十元
日本國志(清新進德)	十册	二元八	經義考(清朱彝尊)	五十册	十四元
兩浙金石志附補遺(清阮元)	十二册	二元六	小學考(清謝啟昆)	二十册	三元八
善本書室藏書志(清丁丙)	十六册	三元六	漢學商兌(清方東樹)	四册	六角五
十駕齋叢書(清錢大昕)	八册	一元八	欒樹山房全集(清龐鵬)	十二册	二元二
道古堂全集(清杭世駿)	十二册	三元八	玉海十三種(宋王應麟)	廿二册	五元七
蓬萊軒地理叢書(清丁謙)	八册	二元四角五	金華叢書(清胡鳳丹編)	二七五册	六十五元
續金華叢書(胡宗楨編)	百廿册	三十元	武林掌故叢編(清丁丙編)	二十八册	四十八元

圖書總目

本館藏書近三十萬冊，向僅有保存類目錄通常類目錄等十一冊，年來增置新書既已不少，而舊日分類，未為精密，又為識者病焉。爰除善本外，將所有中文書，依最新分類法，編為此目，先出第一輯二冊，用上等白報紙印，不日即可問世。

新書特價

宋刻原石精拓淳化閣帖
字帖創始於南唐，集大成于趙宋，而宋帖之中又首推淳化。所收有歷代帝王名臣及諸家墨跡百餘家，衆體具備，無美不臻，論者推為藝苑精華，臨池淵海云。

重 要 叢 書

浙江省立圖書館出版

下列各書附有星號者，重要零種皆可拆購，各書子目，印有詳細目錄，函索即寄。

玉海(附詞學指南)	宋王應麟	一百冊	二十元
蓬萊軒地理叢書初集	宋王應麟	廿二冊	五元七角
蓬萊軒地理叢書二集	宋王應麟	八冊	二元四角五分
二十二子	清丁謙	八冊	二元四角五分
邵武徐氏叢書初刻	清徐幹編	八十三冊	十六元八角
邵武徐氏叢書二集	清徐幹編	二十冊	四元三角
金華叢書	清胡鳳丹編	二百七十五冊	九元五角
續金華叢書	胡宗棟編	一百二十冊	六元
半園叢書初編	清譚獻編	四十六冊	三元四角
富陽夏氏叢書	清萬震武等編	四十八冊	八元
武林掌故叢編	清夏震武等編	二百另八冊	四元八角
武林往哲遺著	清丁丙編	九十六冊	二元八角
當歸草堂叢書	清丁丙編	十八冊	一元二角
當歸草堂醫學叢書	清丁丙編	十冊	一元二角
章氏叢書	章炳麟	二十四冊	四元八角

文瀾學報勘誤表

本刊出版伊始，覆視一過，覺闕除帝虎，比比皆是，亟就所見，製為本表，惟抄書如 落葉，恐亥豕之混，尙不在鮮，維著者暨讀者諸先生賜示，俾得另編詳表，稍善前愆幸甚。

編者謹識

正

題 目	頁 數	行 數	更 正
插圖	一	一八	
晚近浙江文獻述概	七	一〇	
文瀾閣四庫全書史稿	八	三	
	二二	九	
	三三	九	
	七七	九	
	八	末行	
	十三	倒數第五行	
	二二	倒數第三行	
	廿五	倒數次行	
	廿七	首行	
	卅四	首行	
	卅五	末行	
	卅七	末行	
	卅九	首行	
	四一	五行	
	五九	九行	
	卅八	倒數第三行	

六十六面以後至末頁數均誤

題應改為「南宋臨安都市生活考」
 奪「四明叢書序……陳漢章」一行
 黃梨洲先生遺像說明第一行「明御史。」句讀誤。
 「明季遺詞」詞當作事
 「四明叢書」旁應加點
 「續台州叢書」旁應加點
 「民國以來浙江……」來下奪「編印之」三字
 須改作第六十七……至一百五十六
 「文瀾閣四庫全書發後原鈔表二」上奪「附錄三」
 「至五十二年夏，始告藏工，」二句應提行
 「(見年譜同年閏八月條)」行
 「此外該書……」書下奪「(補鈔文瀾閣簡紀錄記)」
 「除前述南史及易類某書兩種外」應作「除前述南史
 及詩經世本古義等五種外」
 「前同義鳥事朱君……」「事」字當在「同」下
 「則非內廷四閣本……」則為吾文瀾舊物無疑「本
 下奪一逗第二則字為而之訛
 「讀獲舊本」讀為續之譌
 「時董事長不止一人」長字衍
 「此據陸紀如此……」，「此」上奪括弧符號
 「……不使散失也……」下奪：(靈峯小識九)
 「杭州府學歲貢」歲誤排作？
 「丁松生奉闈撫譚鍾麟……」撫當改督時譚實總
 督閩浙也
 高常侍集一條 已列原鈔表一此條複出應刪

(文瀾閣四庫全書原抄表二)

文瀾學報勘誤表

本刊出版伊始，覆視一過，覺閱際帝虎，比比皆是，亟就所見，製為本表；惟抄書如 落葉，恐亥亥之想，尚不在鮮，維著者覽讀者諸先生賜示，俾得另編詳表，稍善前愆幸甚。 編者謹識

題目	頁數	行數	更正
目錄	二	四	題應改為「南宋臨安都市生活考」
插圖	五	十五	奪「四明叢書序……陳漢章」一行
晚近浙江文獻述概	一	一八	黃梨洲先生遺像說明第一行「明御史。」句讀誤。
文瀾閣四庫全書史稿	七	一〇	「四明叢書」旁應加點
六十六面以後至末頁數均誤	九	九	「續台州叢書」旁應加點
首行	七	七	「民國以來浙江……」來下奪「編印之」三字
末行	八	八	須改作第六十七……至一百五十六
倒數第五行	十三	十三	「文瀾閣四庫全書發後原鈔表二」上奪「附錄三」
倒數第三行	二二	二二	「至五十二年夏，始告成工，」二句應提行
倒數次行	二五	二五	「（見年譜同年閏八月條）」行
首行	廿七	廿七	「此外該書……」書下奪「補鈔文瀾閣簡編紀錄記」
倒數次行	卅四	卅四	「除前述南史及易類某書兩種外」應作「除前述南史及詩經世本古義等五種外」
末行	卅五	卅五	「前同義鳥事朱君……」事字當在「同」下
倒數次行	卅七	卅七	「則非內廷四閣本……」則為吾文瀾舊物無疑本
末行	卅八	卅八	下奪「逗第二則字為而之訛
倒數第三行	卅九	卅九	「讀獲舊本」讀為續之訛
末第二行	四一	四一	「時董事長不止一人」長字衍
首行	四二	四二	「此據陸紀如此……」，「此」上奪括弧符號
倒數次行	四三	四三	「……不使散失也……」下奪：（靈峯小識九）
末行	四四	四四	「杭州府學歲貢」歲誤排作？
首行	四五	四五	「丁松生奉闈撫譚鍾麟……」撫當改督時譚實總督閩浙也
倒數次行	四六	四六	高常侍集一條 已列原鈔表一此條復出應刪
末行	四七	四七	「復從松存先生段藏本二」段為段之訛
倒數次行	四八	四八	「先生生當清，季……」句讀排錯
末第二行	四九	四九	「中庸自西漢相傳為子思所作無可疑其偽也。」作「下」疑「下並奪句讀
首行	五〇	五〇	「父母」為「父母」之誤
倒數次行	五一	五一	標題中之「籀」字為手民誤刻
末行	五二	五二	「采」當作「采」
倒數次行	五三	五三	「……齒見兒」兒字中畫不斷，貌之正字也；以下凡遇此字並訛，均當遵此改正。
末行	五四	五四	「……曰鞵。鞵……」圈讀應在鞵下。
倒數次行	五五	五五	「脩讀溜」脩當從目
末行	五六	五六	「一音北孟切」孟當作孟。
倒數次行	五七	五七	名曰囹，曰訛作白。
末行	五八	五八	已訛已
倒數次行	五九	五九	「如父如大」大當作天
末行	六〇	六〇	「猶謂臣當誅罪」罪字應在臣下
倒數次行	六一	六一	已又誤己（第三頁第十行同）
末行	六二	六二	竄誤作冠
倒數次行	六三	六三	借誤階又十二行同
末行	六四	六四	「在戊子譜系之己亥」在戊子為句
倒數次行	六五	六五	「殊誤考。日本乞師記……」考當屬下句
末行	六六	六六	「先生名更同」更名顛到
倒數次行	六七	六七	「而欲鼓東習安肥弱之衆」東下奪「南」
末行	六八	六八	「唾黜空疏，隨人身後，談性命者以為灰埃，」此三句應一氣聯貫，不應分作三讀。
倒數次行	六九	六九	「行」公祠下宗譜「下字衍」書面簽又稱……「面下奪」標「字」。
末行	七〇	七〇	「往事後聞」，後為軼之誤
倒數次行	七一	七一	「惟十五疑定公下」推下奪「敏」字
末行	七二	七二	「條短」短當作規
倒數次行	七三	七三	「今固無庸復言也」言當作古
末行	七四	七四	「在縣志一地方之史」志下奪「為」
倒數次行	七五	七五	「……印人諸例」入下奪「傳」
末行	七六	七六	「稍示別流俗……耳」示下奪「於」
倒數次行	七七	七七	「文章分外內兩篇」外內顛倒
末行	七八	七八	「亦不入」入為錄之訛
倒數次行	七九	七九	「週歲而夭」夭當作妖
末行	八〇	八〇	「秩聖公」秩當作秋
倒數次行	八一	八一	會集為全集之誤
末行	八二	八二	蒙字衍
倒數次行	八三	八三	「醜副」誤作「醒副」
末行	八四	八四	「膚廓」乃「膚廓」之譌又「偏重」訛「偏重」
倒數次行	八五	八五	「禮經通論」經當作記
末行	八六	八六	
倒數次行	八七	八七	
末行	八八	八八	
倒數次行	八九	八九	
末行	九〇	九〇	
倒數次行	九一	九一	
末行	九二	九二	
倒數次行	九三	九三	
末行	九四	九四	
倒數次行	九五	九五	
末行	九六	九六	
倒數次行	九七	九七	
末行	九八	九八	
倒數次行	九九	九九	
末行	一〇〇	一〇〇	

編後餘記

上頁下排

姚海槎先生年譜
姜西溟先生手寫選詩類鈔跋

龍游余氏家譜序例

陳同甫先生學說管窺

黃梨洲先生遺書書後

甬諺名謂籍記

散氏盤銘補釋
勅堂讀書錄

（文瀾閣四庫全書原抄表二）
文瀾閣嘉惠堂與玉海樓

冊九
四一
五九

首行
五行
九行

「……不便書也……」
「杭州府學歲貢」歲誤排作？
「丁松生奉闈撫譚鍾麟……」撫當改督時譚實總督閩浙也

浙江圖書館館刊

第四卷 第一期 要目

插圖(杭州府學碑廊及宋石經之拓片)……………張 壘
舊杭州府學南宋石經考……………陳豪楚
兩浙結社考……………陳 謚
東甌三先生年表……………項士元
寒石草堂所藏台州書目……………董書業
國語與左傳問題後案……………夏定域
江蘇藝文志補正……………張慕齋
藏書紀事詩之版本及其索引……………毛春翔
室名索引拾補……………王集成
續齋廟子山王氏譜序目……………顧頴剛
拜魁紀公齋叢書序……………夏定域
館藏善本書題識……………
繪事徵實 三禮考注 王氏家藏集 籌海圖編
皇明職方地圖 唐伯虎全集 離島居詩鈔
咸豐九年恩科浙江鄉試題名錄 林氏雜記 金石韻府
牛山亭詩集

中外圖書文化消息(四十九則)

全年六期定價連郵一元
零售每册大洋一角八分

文瀾學報

第一輯

中華民國二十四年一月出版

定價 每册實洋壹圓(加郵費五分)

編輯者	浙江省立圖書館
印刷者	浙江省立圖書館附設印行所
發行者	浙江省立圖書館
代售處	<p>杭州開明書店 (三元坊九江世界書局 (九江二馬路))</p> <p>杭州浙大出版課 (浙江大學路) 武昌文華書局 (武昌文華書局)</p> <p>寧波明星書局 (浙江大學路) 四川成都世界書局 (四川成都世界書局)</p> <p>上海現代書局總店 (上海四馬路) 雲南文化書店 (昆明明市平政街)</p> <p>上海開明書店 (上海四馬路) 山東午夜書店 (濟南南門外大街)</p> <p>無錫世界書局 (無錫錫山) 天津大公報社 (天津法租界)</p> <p>南京鍾山書店 (南京太平門) 北平景山書社 (北平景山街)</p> <p>南京時代公論社代售部 (南京太平門) 北平國立圖書館 (北平德勝門)</p> <p>武昌新時代書店 (武昌橫街) 漢口新時代書店 (漢口通平路)</p> <p>蘇州國學小書堆 (蘇州國學小書堆)</p>

A JOURNAL OF CHINESE STUDIES
WEN LAM HSUEH PAO

(Published annually)

NO. I.

CONTENTS

ILLUSTRATIONS:

Re-erection of Wen Lam Ko (文瀾閣) and its reading room after Tai Ping Rebellion

The Stack-room of Wen Lam Ko and its Patron, Mr. S. S. Ting (丁松生)

Our Ku-Shan (孤山) Branch Library and its stack rooms now for the deposit of
Szu-ku-Chuan-Shu (四庫全書)

Portraits of old Chekiang Scholars (Messrs. T. H. Huang, C. Y. Sun etc.)

A Page-specimen of the rare books Preserved by our Library

A Synopsis of Chekiang Literary Works in Recent Time *H. T. Chen*

A Brief History of Works of Szu-ku-ch'uan-shu (四庫全書) preserved

by Wen Lam Ko (文瀾閣) *Chang Ning*

The Relation Among Wen-Lam-ko, Chia-hui-t'ang (惠嘉堂) and Yü-

hai-lou (玉海樓) *Sun Yen Chu'an*

Verification of the Bronze Inscriptions of "San Shih" (散氏盤) *Huang Shao Chi*

On the Study of Ning-po Dialect *H. C. Chen*

A Postscript to the Works of Huang Tsung Hsi (黃宗羲) *Yang Min Tseng*

An Explanation to the Idea of Proof-Study *Lee Li*

The Culture of Chekiang in the Period of Wu-Yüeh (吳越時代) *T. Y. Shia*

The Status of Hangchow at the age of South-Sung Dynasty *Sun Cheng Yung*

A Study of the Thought of Chen Liang (陳亮) *H. T. Chen*

Introduction to the Genealogy of the Family Yu (余) *S. S. Ya*

The Chronological Biography of Yao Chen Tsung (姚振宗) *T'ao T'ao Hsu*

A Biography of Mr. Lao Na Suan (勞乃宣) *H. T. Chen*

Record of the Postscripts to Chiang Ch'ün Ying's (姜宸英) "Selected

Poems" in his Own Handwriting *T'ung Ti Te*

Record of the Postscripts to Chinese Rare Books in the Library

Biographies of Chekiang Scholars in Recent Time, etc.

Published by

THE CHEKIANG PROVINCIAL LIBRARY

HANGCHOW, CHINA

January, 1935

Single number for foreign Sales \$2.00mex., postage included,

14.5
430

終